

खबरां

- प्रधानमंत्री नरेंद्र मोदी होरें आखेआ जे फिनलैंड दे राष्ट्रपति अलेक्जेंडर स्टब हुं'दी यात्रा नमीं दिल्ली हेल् सिंकी दे सरबंधें गी नमें डोआर देग।
- पच्छमी एशिया च टकराव होर बी तेज होआ कीजे इजराएल नै तेहरान च बसीज ते अंदरूनी सुरक्षा कमांड सेंटरें पर उप्परोतली हमले कीते।
- विदेश मामले सरबंधी मंत्रालय नै पच्छिम एशिया, खाड़ी क्षेत्र च मौजूदा स्थिति लेई इक कंट्रोल रूम स्थापित कीता। भारती एयर लाइन्स 58 डुआरिएं गी संचालित करोग।
- विदेश मंत्री डॉ. एस. जयशंकर होरें आखेआ जे म्यांमार भारत दी 3 मुख् विदेश नीति प्राथमिकताएं दे केंद्र च ऐ।
- रंगें दा त्यौहार होली अज्ज समूलचे मुख् च मनाई गई।
- टी-20 विश्व कप दे पैहले सेमीफाइनल बश्कार कोलकत्ता दे ईडन गार्डन च मुकाबला खेडेआ जा'रदा ऐ।

<><><><><><>

PM-Finland

फिनलैंड दे राष्ट्रपति अलेक्जेंडर स्टब अज्ज बडुलै भारत दी राजकीय यात्रा पर नमीं दिल्ली पुज्जे। उंदा सोआगत विदेश राज्यमंत्री कीर्तिवर्धन सिंह होरें कीता। राष्ट्रपति स्टब होरें गी ब्हाई अड्डे पर दरान सोआगत कीता गेआ ते गार्ड ऑफ आनर दित्ता गेआ। स्टब रैसीना संवाद 2026 च मुख् परौहने ते मुख् वक्ता बी हैन। नमीं दिल्ली पुज्जने पर स्टब होरें सोशल मीडिया पोस्ट च आखेआ जे उंदे इस दौरे कन्नै फिनलैंड ते भारत बश्कार बपार दे क्षेत्र सने रिश्तें गी होर बी मजबूती थ्होग।

<><><><><><>

PM-Kuwait

प्रधानमंत्री नरेंद्र मोदी होरें कुवैत दी सम्प्रभुता ते इलाकाई अखंडता दी खलाफवर्जी दा निंदेआ कीती ऐ। कुवैत दे शहजादे शेख सबाह अल खालिद अल हमद अल मुबारक हुंदे कन्नै कल टेलीफोन पर गल्ल करदे होई श्री मोदी होरें आखेआ जे भारत इस मुश्कल समें च कुवैत दे लोकें कन्नै न। उनें क्षेत्रीय अमन-रमानदारी ते स्थिरता दी बहाली च गल्लकत्थ ते कूटनीति दे महत्वै पर बल पाया। प्रधानमंत्री होरें इक सोशल मीडिया पोस्ट च कुवैत च भारती समुदाय दी सुरक्षा ताई कुवैत दे लीडरें दे लगातार समर्थन दी तरीफ कीती। प्रधानमंत्री होरें कतर दे अमीर शेख तमीम बिन हमद अल थानी हुंदे कन्नै बी गल्लकत्थ कीती ते कतर कन्नै पक्की इकजुटता दस्सी। उनें कतर दी सम्प्रभुता ते क्षेत्रीय अखंडता दी कुसै बी लोआंघना दी सख्त नुक्ताचीनी कीती। श्री मोदी होरें ओमान दे सुल्तान हैथम बिन तारिक हुंदे कन्नै गल्लबात च पच्छिम एशिया च हाल दे हालात पर बचार बमर्श कीता। उनें कतर ते ओमान दी सम्प्रभुता ते इलाकाई अखंडता दी लोआंघना दी बी निंदेआ कीती।



West Aisa

पच्छिम एशिया च संघर्ष अज्ज 5में दिन बी जारी रेआ। इजराएल ते अमरीका दियें सांझी फौजें ईरान दे परमाणु ठकानें पर हमले कीते ना। तोआई, इरान नै बी ड्रोन हमले रम्भ करी दित्ते ना। इजराएल नै खुफिया जानकारी दी विनाह पर इरानी शासन दी परमाणु हथियार विकसित करने दी क्षमता आहले तेहरान चपरमाणु हथियार विकास केंद्र पर हमला कीता। इजराएल नै आखेआ ऐ जे अभिजान दे रम्भ होने परैंत थमां औदी ब्हाई सेना नै तकरीबन 300 ईरानी मिसाइल लांचरें गी नष्ट करी दित्ता ऐ। इजराएल नै लेबनान च बी अपने ब्हाई हमले तेज करी दित्ते न ते हिज्बुल्लाह कन्नै जुडे दे तकरीबन 60 ठकानें गी शाना बनाया। अमरीकी केंद्री कमान दे कमांडर एडमिरल ब्रैड कूपर होरें आखेआ जे अमरीका अजें नेई रूकोग ते ईरान दी जवाबी हमला करने दी समर्था तेजिया कन्नै घट होआ करदी ऐ।



Indian-Airlines

इंडियन एयरलाइन्स अज्ज भारत ते खाड़ी क्षेत्र बश्कार 58एं डोआरियें गी चलाने लेई तैयार ऐ तां जे चला करदे संघर्ष करिये पच्छिमी एशिया च फसे दे लोकें दी वापसी गी सखल्ला बनाया जाई सकें नागरिक हवाबाजी मंत्रालय नै इक्क ब्यानै च दस्सेआ जे भारती एयरलाइन अज्ज 58 डोआरियां चलाने पर कम्म करा करदी ऐ जिंदे चा होरनें दे अलावा इंडिगो दियां 30 ते एयर इंडिया कन्नै एयर इंडिया एक्सप्रेस दियां 23 डोआरियां शामिल ना।



VP-Agartala

उपराश्ट्रपति सी.पी राधाकृष्णन होर 7 मार्च गी दपैहरी मगरा दो रोजा राज्य दे दौरे पर अगरतला जाडन। महाराज बीर विक्रम ब्हाई अड्डे पर उंदा गर्मजोशी कन्नै सोआगत कीता जाह्ग। अगरतला च अपनी मौजूदगी दरान राज्यपाल इंद्रसेना रेड्डी बल्लू लोकभवन च उंदे सम्मान च रात्रिभोज दी मेजबानी करडन। उपराश्ट्रपति शनिवारें लोकभवन च राती रूकडन। 8 मार्च गी बडुलै ओहू अल्बर्ट एक्का युद्ध स्मार्क पर वीर शहीदें गी पुष्प श्रद्धांजलि भेंट करडन। एहदे मगरा उपराश्ट्रपति उदयपुर जाइयै पुज्य त्रिपुरा सुंदरी मंदरै च प्रार्थना करडन। मगरा ओहू अगरतला च त्रिपुरा विश्वविद्यालय दे 14में दीक्षांत समारोह च हिस्सा लैंगन। दपैहरी ओहू अगरतला च हपानिया अंतरराश्ट्री मेला मैदान दा दौरा लांगन जित्थे ओहू स्वयं सहायता समूहें आसेआ लाए गेदे स्टालें दा निरीक्षण करंगन।



EMA-Myanmar

विदेश मंत्री डॉ. एस. जयशंकर होरें अज्ज आखेआ ऐ जे म्यांमार भारत दी त्रै प्रमुख विदेश नीति पैहल यानि गुआंडी पैहलें, एकट इस्ट ते महासागर, जिंदे च हिंद प्रशांत क्षेत्र बी शामिल ऐ, दे संगम पर स्थित ऐ। सरसोबेकमान साहित्य केंद्र दे उद्घाटन दे मौके पर डॉ. जयशंकर होरें आखेआ ऐ जे एहू केंद्र भारत गूडे दपक्खी सरबंधें दा प्रतीक ऐ। मंत्री होरें आखेआ जे सरसोबेकमान केंद्र म्यांमार दे शास्त्रीय ते लोक साहित्य दे संरक्षण ते अध्ययन च सहयोग करग। उनें अगगे इब्बी आखेआ जे एहू केंद्र म्यांमार दी विरासत गी नमीं पीढी ते बड्डे जनसमूह तगर सखल्ला पजाग। दमें देशें बश्कार सहयोग पर लोऽ पांदे होई डॉ. जयशंकर होरें दस्सेआ जे म्यांमार कन्नै भारत दा जुडना जन केंद्रित ते मंग आधारित रेहा ऐ।

उनें अगगे इब्बी दस्सेआ जे कालादन मल्लीमाडल ट्रांजिट परिवहन परियोजना सने कई परियोजनां दपक्खी सरबंधें गी मजबूत करने ते क्षेत्रीय विकास गी बढावा देने दे मकसद कन्नै बनाई गई ऐ।

<><><><><><>

Holi -Festival

रंगें दा त्योहार “होली” अज्ज पूरे मुल्खै च जोश ते जज्बें कन्नै मनाया जा’रदा ऐ। एह त्योहार बुराई पर अच्छाई दी जित्त दा प्रतीक ऐ ते बसंत दे मौसम दी आमद दी निशानदेही करदा ऐ। “होली” समाज दे सबनें वर्गे गी जात-मजहब थमां उप्पर उठियै ते आपसी भाई-चारे दा सनेहा दिंदी ऐ। इस ध्याड़े लोक इक-दुए गी गुलाल लाहंदे न ते शुभकामनां देइयै मठेआइयां खलांदे न। जोआन जागत-पूगत- लोकप्रिय फिल्मी गीतें दियें धुनें पर नाच करदे गलियें च “होली” मनांदे न ते बच्चें-पानियें नै भरोसे दे फलूस इक-दुए पर मारदे न ते त्योहारें दा नंद लैंदे न। तोआई, राष्ट्रपति द्रौपदी मुर्मू, उपराष्ट्रपति सी.पी राधाकृष्णन ते प्रधानमंत्री नरेंद्र मोदी होरें होली दे मौके पर लोकें गी मुबारकबाद दिती ऐ।

<><><><><><>

Civil-Aviation

केंद्री नागरिक हवाबाजी दे केंद्री मंत्री राम मोहन नायडू होरें अज्ज विजयवाड़ा ब्हाई अड्डे ते नमीं दिल्ली दे भोगपुरम च ग्रीनफील्ड ब्हाई अड्डे लेई नमें टर्मिनल लेई हितधारकें दी समीक्षा बैठक दी प्रधानता कीती। इस बैठक च मंत्रालय, भारती ब्हाई अड्डे सरबंधी अधिकारी, नागरिक हवाबाजी दे डरैक्टर जनरल, राज्य सरकार ते होर दुए अधिकरिएं शिरकत कीती।

<><><><><><>

BJP-Rajyasabha

भारती जनता पार्टी नै 6 राज्यें च 2026 दे द्विवार्षिक राज्यसभा चुनाएं ताई 9 मेदवारें दी घोशणा कीती ऐं बिहार थमां जित्थे 5 सीटां खाली होआ करदियां न, बीजेपी नै पार्टी चीफ नितिन नबीन ते राज्य दे लीडर शिवेश कुमार गी नामजद कीता ऐं 16 मार्च गी होने आहले चुनाएं लेई नामांकन पर्चे भरने दी कल खीरी तरीक ऐ। असम थमां त्रै सीटें लेई बीजेपी नै मौजूदा विधायक तेराश गोवाला ते केबिनेट मंत्री जोगेन मोहन होरें गी मैदान च तोआरेआ ऐ। छत्तीसगढ़ थमां राज्य महिला आयोग दियां मेंबर लक्ष्मी वर्मा गी मेदवार बनाया गेआ ऐ। हरियाणा थमां साबका सांसद संजय भाटिया पर पार्टी नै भरोसा जताया ऐ। ओडिशा च पार्टी नै ओडिशा यूनिट दे प्रधान मनमोहन सामल ते मौजूदा राज्यसभा सांसद सुजीत कुमार होरें गी नामजद कीता ऐ। पच्छिम बंगाल च जित्थे 5 सीटें पर वोटिंग होनी ऐ, उत्थुआं दे साबका प्रधान राहुल सिन्हा गी पार्टी मेदवार बनाया गेआ ऐ।

<><><><><><>

Pak Army Attack

पाकिस्तानी सेना नै इस्लामिक स्टेट खोरासान प्रांत गी अफगानिस्तान च व्यापक स्तर पर हमले करने दे हुक्म दित्ते न, जिंदे च आम नागरिकें गी बी नशाना बनाया जा। खुफिया ब्यूरो दे इक अफसर नै आखेआ जे जंग दे खत्म होने दे कोईसार नेई लब्बा’रदे न कीजे तालीबान ते पाकिस्तानी सेना दौनें गै

पिच्छे हटने ताई तैयार नेई ना तालिबान दे बार-बार आखने दे बावजूद जे गल्लकत्थ गै समस्या दा हल ऐ, पाकिस्तानी सेना नै गल्ल करने थमां इंकार करी दित्ता ऐ।

<><><><><><>

CM -Viksit Bharat

मुख्यमंत्री उमर अब्दुल्ला होरें कल आखेआ जे विकसित भारत दी सोच मुल्खै दे हर प्रांत ते हर राज्य च बरोबर विकास ते समावेशिता कन्नै यकीनी कीती जाई सकदी ऐ। उ'नें आखेआ जेकर तरक्की किश चुनामियें थाहरें तकर महदूद रेही तां देसै दा विकसित भारत आहला सुखना पूरा नेई होई सकोग। मुख्यमंत्री होर जिलें दे पूरे-पराते विकास बारे इक दिनै दी राश्ट्रीय प्रशासनिक कांफ्रेंस गी सम्बोधित करा'रदे हे। इस प्रोग्राम दा सरिस्ता भारत सरकार दे प्रशासनिक सुधार विभाग ते जन शकैतें मैहकमे ते जम्मू-कश्मीर सरकार नै रलियै कीते दा हा। इस मौके पर कार्मिक राज्यमंत्री डाक्टर जीतेन्द्र सिंह-सांसद जुगल किशोर शर्मा- मुख्य सचिव अटल डुल्लु ते केई बड्डे अधिकारी बी मौजूद हे। अपने कुंजी भाषण च मुख्यमंत्री होरें आखेआ जे सच्चाई इय्यै ऐ जे विकसित भारत इक हकीकत- तां गे बनी सकदा ऐ जेकर समूलचे भारत च विकास कीता जा- ना के छड़ा किश राज्यें ते प्रांते च।

<><><><><><>

Cricket

कोलकाता दे ईडन गार्डन च दक्खन अफ्रीका ते न्यूजीलैंड बश्कार आई.सी.सी पुष टी-20 विश्व कप दे पैहले सेमीफाइनल च आमना-सामना होआ'रदा ऐ। एहू मैच भारती समें मताबक 7 बजे शुरू होना हा। अखीरी खबरां थहोने तगर दक्खन अफ्री दी टीम नै पैहले बल्लेबाजी करदे होई 6 ओवरें च 48 रन बनाई लैते दे ना। कल मुम्बई दे वानखेडे स्टेडियम च भारत दा मुकाबला इंग्लैंड कन्नै होगा। इनें दौनें मैचें दे जेत्तुएं दा मुकाबला 8 मार्च गी अहमदाबाद दे नरेंद्र मोदी स्टेडियम च फाइनल च होगा।

<><><><><><>